

沔陽州志卷十八

沔陽童承敘

逸士傳

東漢漢濱老父者不知何許人桓帝延熹中幸竟陵過雲夢臨沔水百姓莫不觀者有老父獨耕不輟尚書郎南陽張溫異之使問曰人皆來觀老父獨耕不輟何也老父笑而不對溫下道百步自與言老父曰我野人耳不達斯語請問天下亂而立天子耶理而立天子耶立天子以父天下耶役天下以奉天子耶昔聖王宰世茅茨木椽而萬人以寧今子之君勞人自縱逸遊無忌吾爲子羞之子何忍欲人觀之乎溫大慙問其姓名不告而去

沔陽州志卷十八

一

史敘曰昔接輿放歌目爲狂士今老父獨耕漢澁不觀乘輿其答溫言辭旨簡要推其道也雖堯舜何加焉狂也非其儔矣是時政移五倖刑淫三獄漢家之業索然愈哀尙志之士莫不卷迹山林甘心雲壑如老父者非其人耶使溫致敬如孔子之於漁父也其言必有進於此者溫徒能慙而不能問也使讜言不盡姓名俱逸惜哉

唐陸羽字鴻漸一名疾字季疵復州竟陵人不知所生或言有僧晨起聞湖傍羣雁喧集以翼覆一嬰兒遂收蓄之旣長以易自筮得蹇之漸曰鴻漸于陸其羽可用

爲儀乃以陸爲氏名而字之幼時其師教以旁行書答
日終鮮兄弟而絕後嗣得爲孝乎師怒使執糞除圻填
以苦之又使牧牛三十羽潛以竹畫牛背爲字得張衡
南都賦不能讀危坐効羣兒囁嚅若成誦狀師拘之令
薙草莽當其記文字懵懵若有遺過日不作主者鞭苦
因歎曰歲月往矣柰何不知書嗚咽不自勝因亡去匿
爲優人作詼諧數千言天寶中州人酺吏署羽伶師太
守李齊物見而異之授以書遂廬火門山貌悅陋口吃
而辯聞人善若在己見有過者規切至忤人朋友燕處
意有所忤輒去人疑其多嗔與人期雨雪虎狼不避也
上元初更隱茗溪自稱桑苧翁又號竟陵子東園先生

東岡子闔門著書或獨行野中誦詩擊木裴回不得意
或慟哭而歸故時謂今接輿也久之詔拜羽太子文學
徒太常寺太祝不就職貞元末卒羽嗜茶著經三篇言
茶之原之法之具尤備天下益知飲茶矣時鬻茶者至
陶羽形置煬突間祀爲茶神有常伯熊者因羽論復廣
著茶之功御史大夫李季卿宣慰江南次臨淮知伯熊
善煮茶召之伯熊執器前季卿爲再舉杯至江南又有
薦羽者召之羽衣野服挈具而入季卿不爲禮羽愧之
更著毀茶論其後尙茶成風時回紇入朝始驅馬市茶
唐江州刺史張又新煎茶水記元和九年春予初成名
與同年生期於薦福寺余與李德垂先至憇西廂玄鑿
室會適有楚僧至置囊有數編書余偶抽一通覽焉文
細密皆雜記卷末又一題云煮茶記云代宗朝李季卿

刺湖州至維揚逢陸處士鴻漸李素熟陸名有傾蓋之
權因之赴郡抵揚子驛將食李曰陸君善於茶蓋天下
聞名矣况楊子南零水又殊絕今日二妙干載一遇可
曠之乎命軍士謹信者挈瓶操舟深詣南零陸利器以
俟之俄水使陸以杓揚其水曰江則江矣非南零者似
臨岸之水使諸益至半陸遽止之又以杓揚之日自此南
言既而傾諸大駭馳下曰某自南零齋至岸舟蕩覆
零者矣使蹶然大駭馳下曰某自南零齋至岸舟蕩覆
半懼其勢挹岸大駭愕李因問陸既如是所經歷處之
與賓數十人皆大駭愕李因問陸既如是所經歷處之
水優劣精粗可判矣陸曰楚水第一晉水最下李因命
筆口授而次第之凡二十水且曰此皆余嘗試之非係
茶之精粗過此不之知也夫茶烹於所產處無不准也
蓋水土之宜離其處水功其半然善煮潔器全其功也
李寘諸筭焉遇有言茶者即示之宋歐陽修大明水記
世傳陸羽茶經其論水云山水上江水次井水下又云
山乳泉水石池漫流者上瀑湧湍瀨勿食食久令人有
頸疾江水取去人遠者井取汲多者其說止此未嘗品
第天下之水味也至張又新為煎茶水記始云劉伯芻
謂水之宜茶者有七等又載羽為李季卿論水次第有
二十種今考茶者有七等又載羽為李季卿論水次第有
泉石池又上江水次而井水下伯芻以楊子江為第一

沔陽州志卷十八 三

惠山石泉為第二虎邱石井為第三丹揚寺井為第四
楊州大明寺第五廬山康王谷水第一無錫惠山石泉
反羽所說二十水廬山第三陝州扇子峽蝦蟆口水第
第二廬山寺石泉第五廬山招賢寺下方橋潭水第六揚
子江南零水第七洪州西山瀑布寺第八桐栢淮源第九
廬州龍池山頂水第十丹陽觀音寺井第十三歸州玉虛洞
明寺井第十四漢州武關西洛水第十五嚴陵灘水十九雪水
香溪水第十四商州武關西洛水第十八嚴陵灘水十九雪水
台千丈瀑布十四商州武關西洛水第十八嚴陵灘水十九雪水
二十如蝦蟆口水西州圓全十八嚴陵灘水十九雪水
勿食而疑疾其餘二江山水居山水上井水居江水上皆
與經相反疑羽不當二說以自異使誠羽說何足信也
得非又新妄附益之耶其述以自異使誠羽說何足信也
也山水味有美惡而己欲舉天下之水一而論水惡淳
者妄說也故其為說前後不同如此然羽之論水惡淳
浸而喜泉源故井取汲多者江雖長流然眾水雜聚故
次山水惟此說近物理云又浮槎山水記劉伯芻李季卿所
愛陸羽善言水後得張又新水記載劉伯芻李季卿所
列水次第以為得之於羽然以茶經考之皆不合又新
妄狂險譎之士其言難信頗疑非羽之說及得浮槎山
水然後益知羽為知水者浮槎與龍池山皆在廬州界

中較其味不及浮槎遠甚而又新所記以龍池爲第十
浮槎之水棄而不錄以此知其所失多矣羽則不然其
論曰山水上江次之井爲下山水乳泉石池漫流者上
其言雖簡而於論水盡矣敘按歐陽公以又新所記與
羽著茶經不合然所記季卿事又與羽本傳不合也今
姑存之以俟考唐皇甫冉送羽赴越行隨新樹深夢隔
重江遠迢遞風日問蒼茫洲渚晚皇甫會送羽採茶千
峰待逋客香茗復叢生採摘知深處烟霞羨獨行幽期
山寺遠野飯石泉清寂
寂燃燈夜相思一磬聲

史敘曰余嘗過竟陵憇羽故寺訪雁橋觀茶井慨然想
見其爲人夫羽少厭髡緇篤嗜墳素本非忘世者卒迺
寄號桑苧遁迹茗雪嘯歌獨行繼以痛哭其意必有所
在時迺比之接輿豈知羽者哉至其性甘茗葺味辨淄
澠清風雅趣膾炙今古張顛之於酒也昌黎以爲有所
託而逃羽亦以是夫

沔陽州志卷十八

四

宋張徽景陵人按故志以詩名世所著有滄浪集司馬
光范純仁皆與之友善

元徐勝祖郡人按元史居喪廬墓

皇朝鄧禴字一誠郡人永樂癸卯鄉貢故志稱其恬退
不仕

蔡輅郡人居鄉不苟訓迪生徒能吟咏鍾知州順林學
正惟盛嘗禮之數與倡和其子允恭孫綬皆應鄉薦
周台沙口人在鄉間以善稱未嘗輒至公府家居讀書
手不釋卷徐知州咸請與賓席李知州濂扁其名於旌
善亭

史敘曰徽之行莫之詳然交稔於馬范賢可知矣勝祖

論皆因之史志不敢飾焉者懼誣也輅台余所親聞見
頃王學正鑿始表之要皆鄉之善士故附著云

贊曰漢濱獨耕鑿輿旋軫矯矯桑苧託迹萍茗徽富篇
韻鴻儒交稔澤遊巖棲鳳逝龍隱

僑寓傳

元趙吉甫其先居蜀徙居玉沙與魯齋許衡友善衡至
武昌首問吉甫謂人曰吉甫天資高衡一著則其人可
知矣自號拙存以文學名於世

皇朝易從虎字炳文其先隆中人徙家南漳父友旺終
葬鳳凰山因廬於墓側里人異之多遣子弟從之遊呼
曰易孝子後避兵寓沔陽家焉

敘按張襖從虎廬墓記
其事在南漳鳳凰山故

沔陽州志卷十八

五

志皆云隨父至沔因謂廬墓於沔非也戴用瑞蓮記炳
文家沔陽孔廟後結茅數椽扁曰孝子堂前有池半畝
蓮一本二花人以爲純孝所感未復謂文運將興君子
彙征之兆蓋不以爲易瑞也近王學正鑿學志亦云兆
明年鼎建之祥蓋國初丁未學產瑞蓮明年戊申創學
正德癸酉復產明年又復改建其兆甚明且炳文廬墓
於南漳不宜致瑞於沔也敘
故辨之非抑炳文懼失實耳

史敘曰夫炳文之孝常行也而夫人咸異之至指池蓮
以爲瑞可以觀人心之同矣然炳文徙居而以孝于扁
堂又以廬墓形之上分司之詩將自以是爲非常事哉
錢朝陽浙江人號老樵寓沔陽優於問學有詩集官至
饒州知府子塘幼號神童仕終給事中

潘子安和州人寓沔陽工詩詞有海天清嘯集行於世
官至夔州府同知

吳欽仁和人隸籍京師舉進士歷刑部郎中訊獄詳慎多所滄雪弘治中有迎駕籲寃者詞引千數輩欽鞫其不辜者悉縱之人以爲平又嘗奉勅賑饑慶陽全活甚眾在任五年增賦十萬尋以病解職貧不能歸因家於沔杜門謝事數年終

史敘曰君子之至于斯也邦人之觀望繫焉惜也沔無嘉山水無以枉致賢躅可紀者僅此爾故志流寓又云涉沔有僧捫其琴橫渠曰琴不祥矣遂棄之水敘按沔乃漢水通名且橫渠過郢未嘗至沔也故不敢書贊曰逶迤江鄉冠蓋罕集雍容數賢於焉棲迹景行方來作賓斯邑

孝義傳

元徐勝祖沔陽人史稱其居喪廬墓

皇明呂中字子正景陵人以辟舉授四川布政司照磨性至孝父蚤喪奉母甚謹每夙興必正衣冠四拜母亡廬其墓側朝夕號哭三年乃歸

張世芳知州張柏子父病割股直指旌其門曰孝行

劉繼榮沔陽衛人庠生母死廬墓以孝行旌表

高鵬字用素沔陽人父貴以應貢死洞庭求其屍不得招魂以葬日夕抱木主以哭目爲喪明里人咸稱高孝子云

童守恆字邵德沔陽州人爲郡庠生生平修行事嫡母以孝聞弟守咸守孚並皆善士一門雍睦友愛篤至御

史涂旌其廬曰孝子之門

元翟氏景陵張楚材妻夫卒時年二十守節終身至正間旌其門

王氏景陵吳伯璋妻夫卒時年二十守節終身至正間旌其門

皇明熊氏沔陽袁子傑妻夫卒年僅二十有四守節終身有司以聞詔旌其門

王氏沔陽軍人馬把攬妻夫從軍亡時王年二十有五貧苦無依守節至死永樂間事聞詔旌其門

任氏吳副使欽母也少歸武林吳景景沒任年止二十有五姻黨憫其少欲奪其志輒號泣不食誓以死守躬

自訓子十歲猶不令出戶姑患痿痺卽與同寢處左右抱持夜每焚香籲天乞以身代姑復吐嘔每舉盃以俟或不及以手奉之姑沒竟蔬食不茹葷比葬得白兔二人以爲孝感所致弘治戊申有司以聞詔以節孝旌其門後以子貴封太安人年八十三終葬沔陽

費氏沔陽邱思賢妻思賢卒時年二十有五守節年八十有四終知州咸復其家

李氏邱容妻費之婦也容卒年十有九遺腹生子富終身誓死無他志姑婦並以清節相繼後先

朱氏沔陽左祥妻夫卒年十有九守節終身

石氏左祐妻祐祥弟也卒時石年十有八子宣生甫二

月守節至老持行端莊左氏二婦並以節聞四婦俱揭名旌善亭正德初部使采焉

王氏景陵蕭政妻年十九夫死無子守節獨與一老嫗朝夕紡績自給釜盎寥落處之裕如邑有巨姓而鰥聞其賢固請之屹不爲動自是人無敢復言壽七十八終弘治中知縣周端咨訪其節將聞之朝未果鄉人至今惜之

史敘曰夫孝丈夫之順德也能致其誠而已夫義女子之貞行也能致其潔而已故執一術而百善至百邪去者其惟孝義乎廬於墓非制也而勝祖中並以是稱非以其篤於天性發於純誠耶至於諸姬時遭艱阻志乖好合而乃執節死義卒與霜雪同皎松筠等操雖丈夫之烈何加焉於乎爲人子爲人婦者可以觀矣

贊曰天經人紀維義與孝臨喪致戚處難申要結廬松楸截髮壺奧蓼莪同悲柏舟比操

外傳

陳友諒沔陽人本姓謝祖千一贅於陳遂從其姓父普才黃蓬漁子也友諒幼歧嶷比長膂力過人優於武藝嘗爲縣吏不樂會羅田徐壽輝與倪文俊兵起慨然往從之爲文俊簿書掾尋亦領兵爲元帥及文俊專恣心不能平元至正丁酉九月文俊謀殺壽輝不果奔黃州友諒因乘釁襲殺之遂並其軍自稱平章戊戌友諒攻

安慶守臣余闕固守倚小孤爲藩蔽命義兵元帥胡伯顏統水軍戍守友諒自上流直擣山下伯顏與戰四日夜不勝奔還友諒進薄城下闕遣兵扼之俄而饒兵攻西門友諒兵乘東門既登城闕簡死士奮擊敗之友諒恚甚乃並軍樹柵起飛樓來攻闕分兵捍敵晝夜不得息友諒兵四面蟻集城陷闕死之夏四月破龍興路復破瑞州五月友諒遣康泰趙琮鄧克明等攻邵武又遣別將攻吉安路進破撫州八月破建昌路九月破贛州十一月破汀州己亥三月遣兵略衢州復遣兵破襄陽路六月復遣其黨王奉國攻信州元江東廉訪使伯顏不花的斤自衢往援破走其兵後數日又攻之復大破

之友諒弟友德植木柵攻城益急又遣使說降的斤數其罪而斬之王奉國遂穴地梯城晝夜攻之踰旬城陷的斤死之十二月陷杉關初徐壽輝聞友諒破龍興欲徙都之友諒忌其來不利己不從至是壽輝固引兵發漢陽南下江州友諒陽出迎而伏兵於城西壽輝既入門閉伏發盡殺其部屬惟存壽輝以江州爲都居之遂自稱漢王立王府置官屬事權一歸友諒壽輝擁虛位而已庚子四月友諒以壽輝自樅陽攻池州張德勝率我師往援至則守將趙忠被執城已陷矣乃設伏敗之斬首萬級生擒三千餘遂復池州五月漢王友諒以重兵犯太平城陷殺其守將花雲遂直犯龍江太祖大怒

命諸大將共謀擊之於石灰山殺傷相當馮勝率敢死士直衝其中堅大破之友諒僅以身免追至采石復與大戰友諒復敗而遁遂復太平初友諒犯太平挾壽輝以行及太平陷急謀僭竊乃於采石舟中佯使人詣壽輝前白事令壯士持鐵鎚自後擊之碎其首壽輝死友諒遂以采石五通廟爲行殿稱皇帝國號漢改元大義仍以鄒普勝爲太師張必先爲丞相羣下立江岸草次行禮值大雨至略無儀節旣而復還江州遣人約張士誠侵建康太祖以康茂才與友諒舊召使畫策茂才曰吾家有老閻舊常事諒令齋書僞降約爲內應必信無疑友諒得書果大喜問曰康公安在曰見守江東橋又

曰橋何如曰木橋也乃遣使還謂曰歸語康公吾卽至至則呼老康爲號歸具以告乃命李善長易江東橋以鐵石通宵治之友諒至見非木橋乃驚疑連呼老康無應之者始知閻者謬己茂才乃合諸將奮擊大破之降其將張治雄梁鉉喻國興劉世衍等縛其士卒二萬友諒奔還尋遣其將張定邊陷安慶府太祖乃命諸將曰友諒賊殺其主僭稱大號侵我太平犯我建康今又以兵陷我安慶觀其所爲不滅不已爾等其厲士卒以從徐達進曰師直爲壯今我直而彼曲焉有不克獻計者或謀以城降或以鐘山有王氣欲奔據之或欲決死一戰而走未晚也劉基獨張目不言太祖乃召基入內基

曰先斬主降議及奔鐘山者乃可破賊耳太祖曰先生計將安出基曰如臣之計莫如傾府庫開至誠以固士心且天道後舉者勝宜伏兵伺隙擊之取威制敵以成王業在此時也太祖遂用基策督諸帥率舟師乘風遡流而上遂克安慶長驅向江州距其都五里許友諒始知之謂神兵自天而降大破之友諒挈妻子夜奔武昌我師遂入九江獲馬二千匹糧十餘萬石既而友諒相胡廷瑞見江州已破遣使詣軍中請降平章祝宗亦以南昌降壬寅春正月太祖命宗從徐達征武昌宗中道叛回據南昌四月始定其亂太祖曰得南昌是去陳氏一臂因命大都督朱文正統元帥趙德勝等往鎮其地

時友諒據湖廣張士誠據浙西皆未下眾以爲蘇湖地肥饒欲先取之基曰士誠自守虜耳友諒居上流且名號不正宜先伐之陳氏旣滅取張氏如囊中物耳太祖曰友諒剽而輕其志驕士誠狡而懦其器小志驕則好生事器小則無遠圖若先攻士誠友諒必空國而來是我疲於應敵事有難爲先攻友諒士誠必不能踰姑蘇一步以爲之援朕所以取二寇者固自有先後也會友諒忿其疆場日蹙乃作大艦來攻洪都自爲必勝之計載其家屬百官空國而來以兵圍城其氣甚盛號六十萬兵戴竹盾禦矢石用雲梯等攻具百道攻城文正城上發礮石櫛木火箭無不破之敵晝夜環攻友諒親督

促之意必拔文正主畫軍中分布諸將隨方應敵翦獲甚眾友諒復以所獲吉安守將劉齊朱華臨江同知趙天祐狗城下文正略不爲動已而德勝中流矢死被圍日久音問不通文正遣千戶張子明告急於建康敵攻城益急文正遣捨命王詣友諒營詐約日出降友諒信之緩其攻及期城上旗幟一新至暮不出友諒乃縛捨命王於城下殺之文正堅守以待援至初子明取東湖小漁舟夜行晝止半月始達建康見太祖具言其故上問友諒兵勢何如子明對曰友諒兵雖盛戰鬥死者亦不少今江水日涸賊之巨艦將不利用又師久乏糧若援兵至必可破也太祖曰歸語文正但堅守一月吾當

自取之子明還至湖口爲友諒所執友諒使呼文正出降子明至城下呼曰大軍且至固守以待文正聞之守益堅敵莫能破七月丙戌太祖親帥諸將發舟師二十萬進次湖口自友諒圍洪都至是凡八十有五日聞援兵至卽解圍東出鄱陽湖以逆我師丁亥遇於康郎山戊子我師分爲十二屯徐達常遇春諸將擊敗其前軍俞通海復乘風發火礮焚寇舟二十餘艘軍威大振友諒驍將張定邊奮前欲戰常遇春射卻之廖永忠卽以飛舸追定邊定邊走身被百餘矢士卒多死傷己丑諸軍接戰至晡東北風起復以七舟載葦荻置火藥其中乘風縱火焚其水寨舟數百艘火熾十里之間煙焰漲

天湖水盡赤友諒弟友仁友貴及平章陳普略等皆焚死溺萬餘人賊鋒盡挫庚寅永忠通海等以六舟深入鏖戰敵聯大艦擁蔽悉竭力以死拒我師望六舟無所見意已陷沒有頃六舟飄飄而出勢若游龍我師見之勇氣愈倍合戰益力呼聲動天地敵兵大敗友諒奪氣辛卯張定邊欲挾之退保鞋山爲我師所扼不得出斂舟自守不敢戰是夕我師渡淺泊於左蠡與友諒相持者三日八月八日我師入江駐南湖嘴水陸結營劉基期以金木相犯日決勝負敵舟不敢出糧且盡壬戌友諒計窮冒死突出欲由禁江口奔還武昌太祖麾諸將邀擊之舟聯比隨流而下自辰至酉力戰不已友諒是

日中流矢貫睛及顛而死擒其太子善兒諒自稱帝至死僅四年年四十四其平章陳榮姚天祥已下悉以樓船軍馬五萬來降定邊乘夜以小舟載友諒屍及其子理徑趨武昌復立理爲帝改元德壽我師復圍之甲辰春正月太祖建國號吳二月以武昌圍久不下乃親往視師督諸將擊之擒其元帥張必先旣而遣羅復仁入城諭陳理使降遂率其太尉張定邊詣軍門降凡府庫悉令理自取城中民多饑困命給粟賑之於是湖廣江西諸郡相繼皆降乃封友諒父普才承恩侯理順德侯友諒兄友富歸仁伯友直懷恩伯弟友仁追封康山王命有司塑像歲祀焉後普才徙滁理徙高麗

史敘曰胡元亂華天地晦塞譬諸禽獸人得而驅之也
友諒奮臂黃蓬提戈荆楚遂能屢破堅城卒僭尊號可
謂勇矣然既戕主帥復弑天完凶戾罕傳殘虐無厭人
人首出諒不能委身江漢輸款闕廷而乃犯我龍江闕
我洪都盛兵東下志意驕悍此何異滎陽之圍也卒之
授首鄱陽鯨鯢盡殪何暇烏江之到乎驅爵於林驅魚
於淵蓋聖王之鸚獺爾余因據國史書之又明玉珍或
云沔人史云隨人故不書
贊曰嗟爾漁豎贖禍構亂雲擾荆楚鼎沸江漢師挫鄱
湖自取糜爛作我驅除用基外傳

重刊嘉靖沔陽州志跋

右沔陽州志十八卷明童承敘撰承敘字士疇一字漢臣別號內方沔陽人正德辛巳進士改庶吉士授編修歷官左春坊左庶子所著有內方集家兄木齋已刊行之矣先生所撰沔志當時與康海武功志王九思鄠縣志稱海內三名志李本寧言沔志有兩京程度胡可泉言童太史志沔陽猶存史體章實齋為近代方志專家少所與許亦極稱此志敘次篇目潔而不蕪要非恒流所擬惜吾邑地濱江漢水滙沱潛鄉邦典籍多付洪流道光中葉陸文節公刊先生集獨遺此志余生也晚搜尋益艱夢寐神往縣歷歲時輾轉覓求終不少輟聞同

沔陽州志跋

邑王君儀九

家鳳

纂輯沔志時曾獲陳

文燭

費尙伊二

公續修邑志二公為先生後進雅重先生文不省易一字依類續補瞭然可辨今刪去陳費二家所增童氏名志得復舊觀陸立夫王子壽兩先生所欲刊布而未能者吾輩後生乃得而傳播之其愉快為何如耶或謂志以州名何以有郡紀而又自署郡人原書開卷第二行署翰林國史編修郡人童承敘今僅署沔陽童承敘實齋當日僅見敘例與內方集殘帙未見原志故懷疑郡紀二字不知明因元制沔實為郡洪武九年改郡為州雖省玉沙仍領景陵實有今沔陽天門二縣地故志嘉靖以前事皆郡志也志郡事書郡人無足異也嘉靖十年沔陽改隸承天今安陸府興都大典聳動一時附鳳攀龍侈陳符籙而

先生獨謂此爲國家中興之業非一方一時所藉以鋪揚盛美者

見內方集卷八
答顧東橋書

故撰志斷至嘉靖九年而止

此先生之微旨當時所未能顯言者然非有良史之特識不及此夫世宗當日以藩邸諸王入承大統非南陽之崛起異少康之中興議禮紛囂盈庭聚訟張桂諸人要媚新主殿閣詞臣珥筆獻頌先生以代來侍從閉門守玄無所阿附廿載宮寮不希進取氣節風骨炳耀千秋不僅以良史稱也此志名賢逸士二傳它志所無南宋詩人蕭千巖籍隸復州當時有尤蕭范陸之目有姜白石詩詞可證此可引爲鄉里重者志中顧未之及或與張天麟嚴貞同爲脫漏者乎未可知也

良牧傳贊有
天麟貞而無

河陽州志跋

二

傳王君芾嗣建屏以陳費二志暨刪鈔童志相昇雅意可感舊本傳鈔殊多訛奪各檢引用原書勘正胡君經亭歐君季香先後參校謹識弗諉家兄木齋命付梓人俾耆先生文者無抱殘守闕之憾而有展卷陶然之樂也丙寅花朝日同里後學盧弼謹跋於都門寓廬

河陽盧氏慎始基齋刊印書目 均照定價捌折

湖北先正遺書 共七十五種 壹百捌拾本

七百二十卷

定價 連史致毛邊柒拾元

零種分售價目 附後實價不折

經部

史部

漢上易集傳卦圖叢說

宋朱震 五本二元

東觀漢記

漢劉珍 四本一元六角

周易玩辭

宋項審 四本一元角

國語補音

宋宋庠 一本四角

易象鉤解易象彙解

明陳亮 三本一元角

紹陶錄

宋王質 一本四角

詩總聞

宋王質 五本二元

殿閣詞林記

明虞璠 六本三元

讀詩私記

明李先芳 一本四角

南方草木狀 荆楚歲時記

晉嵇含 梁宗懷 一本四角

三禮圖

明劉績 三本一元角

北戶錄

唐段路 一本四角

春秋穀梁傳集解

晉范甯 二本八角

益部方物畧記 益部談資

宋宋祁 明何宇度 一本六角

書目

嵩陽石刻集記

清葉封 二本一元二角

鬼谷子

一本三角

子部

名義考

明周祈 三本一元

新語 法言李注

一本五角

筆記

宋宋祁 一本三角

項氏家說

宋項審 二本一元

塵史

宋王得臣 一本四角

管子補註

明劉績 六本一元四角

東軒筆錄

宋魏泰 二本一元二角

靈臺秘苑

莆葉季才 四本二元四角

張氏可書 宋張知甫

先進遺風 明耿定向 一本六角

書品梁庾肩吾畫史 宋米芾 益州名畫錄 宋黃休復

一本一元

茅亭客話

宋黃休復 一本六角

書史寶章待訪錄 海岳名言 題跋

宋米芾 一本二元

酉陽雜俎

唐段成式 四本三元二角

畫鑑元湯屋硯史宋米芾茶經唐陸羽 樂府雜錄唐段審節竹譜晉戴凱之

一本三元

陰符經解 亢倉子

一本四角

鬻子 鷓冠子

一本二元

集部

屈原賦註通釋音義

一本八角

寶晉英光集

宋米芾 一本五角

庾子山集

周庾信 十本四元

北湖集

宋吳則禮 一本六角

李北海集

唐李邕 一本八角

紫微集

宋張嶠 八本四元

杜工部集

唐杜甫 十本五元

漢濱集

宋王之望 六本三元

孟浩然集

唐孟浩然 一本五角

雪山集

宋王質 四本二元

丁卯集

唐許渾 一本五角

客亭類稿

宋楊冠卿 三本三元五角

皮子文藪

唐皮日休 二本二元

雪樓集

元程鉅夫 十本五元

宋元憲集

宋宋庠 六本三元

經濟文集

元李士瞻 二本八角

宋景文集拾遺

宋宋祁 十本三元

丁鶴年集

元丁鶴年 一本八角

鄧溪集

宋鄭獬 四本二元五角

一山文集

元李繼本 三本一元五角

書目

二

夢澤集

明王廷陳 四本二元

唐音

元楊士宏 四本二元

松陵集

唐皮日休 四本二元

臨漢隱居詩話
觀林詩話

宋魏泰 一本四角
宋吳聿

慎始基齋叢書 共十一種

八本

定價粉連五元

四庫全書敘

姚晉圻

三通敘
經義韻言

喻祥麟

觀書後例

田明祖

古今偽書考

姚際恆

四川尊經書院記

張之洞

天文歌畧

葉翰

輜軒語

張之洞

地學歌畧

葉瀾

書目答問

張之洞

湖北先正遺書書目提要

四本

定價粉連二元

童方先生集

明沔陽童承敘

四本

定價粉連三元

嘉靖沔陽州志

明沔陽童承敘

四本

定價粉連三元

二酉園文集

明沔陽陳文燭

四本

定價毛邊二元

市隱園集

明沔陽費尚伊

十本 定價粉連七元

精刻擊筑餘音

明嘉魚熊開元

一本 定價粉連_{棉夾}七角

精刻木皮鼓詞

一本 定價粉連_{棉夾}一元五角
一元二角
八角

默耕詩選

清沔陽李何焯

一本 定價粉連五角

無何集

清漢陽熊伯龍

六本 定價粉連_{毛邊}三元

陸文節公奏議

清沔陽陸建瀛

三本 定價粉連一元六角

李子銘先生集

清沔陽李皋

一本 定價粉連五角

萬里游草殘稿

清沔陽陸光祖

一本 定價粉連五角

展碧山房駢體文選

清沔陽邵樹忠

一本 定價粉連五角

割園術輯要

沔陽盧靖

一本 定價光紙四角

書目

三

萬象一原演式

沔陽盧靖

一本 定價光紙四角

古辭令學

沔陽盧靖

二本 定價粉連一元六角

東安日程

羅田姚晉圻

一本 定價粉連_{毛邊}五角

姚氏家俗記

羅田姚晉圻

一本 定價粉連_{毛邊}五角

經義積微記

羅田姚晉圻

四本 定價粉連_{毛邊}三元

節庵先生遺詩

清番禺梁鼎芬

二本 實價_{粉連}二元

寄

琉璃廠直隸書局

西藏路大慶里中國書店

售

青雲閣富貴書社

上海甯波路渭水坊西泠印社

北京

隆福寺文奎堂

漢路三九八號蟬隱廬

處

琉璃廠各大書坊

杭州城站抱經堂書局

北京法源寺內

文楷齋承印